

Hub Willekens

VERHUUR/VERKOOP
GELUIDSINSTALLATIES
TONEELVERLICHTING




Hoogstraat 33
6011 RX Eil
Telefoon 04955-202
Rabobank 11 39 05 181
K.v.K. te Roermond 20116



ook verhuur installaties voor de optocht



VAN DER LOOY GRONDWERKEN



MET DANK AAN V/D LOOY DE OS

32 DE HELPENDE HANDJ BOOI.



Vasteloavendjezèt veur 1982
30^{ste} joargangk nummer 1

Veurwoord



Wie dät je allemaol zultj wete is Piet Govaerts, de medewerker vanne Kwakel van aafgeloupe jaore, in september geëmigreedj nao Noe-Zieëlandj. Piet nog bedanktj veur de geweldjige inzet en dien verhaole. Wè hùbbe noe inkel noew medewerkers gezochtj en gevonje en wè hope det wè eine gouwe greep hùbbe gedaon.

Teikeninge zeen dit jaor van Thijs Heijkers. Euverige medewerkers zeen, Jean, Jan en Elly Jan Custers, Jan Zentjes, Thieu en Lies. Alle minse die oos verhaole bezùrgtj hùbbe, bedanktj. Wè hope detjè veul plezeer hùbtj mèt lèze en det auch dit jaor weer veul maag gebeure waat wè der ein anger jaor weer in konne zette.

Dinktj ter waal goot aan, as ut auch neet waor is, het haaj waal zoë kònne zeen!

De Redaktie

Spreuke:

- Béteraangezope as oetgezope
- Béter ein glaas leeg as ein leeg glaas
- Béter ein fles op as oppe fles
- Ich hōb lever ein vol pens as ein pens der van vol.



Muërkes, Moëre en Moeërinne,
Op de iëste plaats moot ich euch bedanke veur de fantastische oontvangst bie ut Prinsebal en veur de groeëte opkomst bie de receptie. Ich moot zegge det mich det euverdoondertj heet Veur mich is det ein teiken, det in deze tiët woë alles get minder gemakkelijc géit, de minse nog same plezeer konne make, en det gè verwachtj det de Carnavalsvereniging daobie veurop geit. Terecht, det hùrtj zoë.

Ut aafgeloupe jaor is det dacht ich goot gelùktj door de geweldjige inzet van Prins Harry V en van aot vorst, noe groeëtvorst, Wiel. Dees twië dank ich op de iëste plaats. Verder de leje van de Raod die toch weer eine houp werk en drank verzette. Mer auch dank ich oos machtige boorekapel. Songer dees muzikante zoéj de sfeer neet half zoë goot zeen.

Speciaal wil ich bie deze nog vermeldje det oze iëste Prins, oze iëste vorst en groëtvorst noe auch nog iëste iërelid is gewore van de Moeërebuuk: Harrie proficiat!

Zien veurbiëldj volge wè nog allemaol. Tot slot nog dit, minse, vergaëtj mèt Vaste-aovendj veur de eine rotkieër eur zòrg en probleme. Zeejtj neet te bang en vertroewtj der rùstig op: dè kan fiëste en tampiëste is auch sangerdaags den iëste

Moerebuuk en Moerebuukskes.

Geweldig, die ervaring die wé métgekregen hûbben as prins en prinses 1981, wé haaje det veur gein geld willen missen, en dit is veural gekomen door de spontane médwirling van uch alle moal.

Héveur óze hertelike dank.

Hi mét wil ich speciaal bedanken de minse, en zonger die heet de vastenavond gein kans van slagen, oa. Road van Elf en vorst Prinsekapel, bontje ôvendj comitee plus alle medewerkers, optocht comitee en alle deilnummers. Verder wil ich de leeje van de Raod van Elf danken veur het vertroewe waat ze in mich gesteldj hubben, veur mich dit jaor de taak as vorst te géve, ich zal proberen ze zoé good meugelijk te vervullen. Noe wil ich tot slot allein nog zégge, géft prins Jan III de zelfdje médwirling die gé auch aan mich gegeven hûbj den make we auch dit jaor eine daverendje vastenaovend mét.

Prins Harry V

Gevroagd: Ein prinses veur ooze Prins mét die daag, leefs, alles dèr op en dèr aan, en neet te drûg.



Moeërebuuk-Moeërebuukskes

Omdet de Road van Elf mich dit jaor op prinsesbal tot, Grootvorst heet oetgerope, wil ich op de êerste plaats ein dankwoord schrijven aan het adres van veurganger Grootvorst (Harrie Maessen) noe êrelid van de Moeërebuuk. Names oze noewe prins Jan 111 en vervangendj vorst Harrie V en nateurlik de hiële Road van Elf, wil ich de scheidendje Grootvorst Harrie hertelik danke, veur alles waat hê in de afgelopen 30 jaor en tevens as oprichter van de "carnavalsvereniging De Moeërebuuk" heet gedaan. Harrie, het geit dich good.

Verder wins ich oze noewe Prins Jan 111 en vervangendj vorst Harrie, de Road van Elf, de Prinsekapel en alle Moeërebuuk en Moeërebuukskes eine fijne en plezierige vastelovendj 1982.

P.S. Nog 3 jaor en dan vere "De Moeërebuuk" het 3 keer 11 joarig bestoan.

Ich wil den auch besloete met de leus;

Mannen op noa de 33

Groatvorst Wiel

Allaaf




DE ROUTE VAN DE OPTOCHT

Opstèlle oppe kamp stroat, via de busstraot om 13.30 vètrèkke wè.

Ierst de sebastiaanstroat, den de niesstroat, achter de kirkhoof door richting meulevèldj, noa de brederkamp, de zwartbrookstroat in de meijdoorn stroat, de magnolia stroat in, de seringe stroat, dan de scheivestroat, doanao weer de niesstroat, dan de sebastiaan stroat en achter de bøndj geit eder ziene kantj. Wiltj djur de optochtroute vriejhoaje van auto's.

Het optochtkomite.



Eine Nederlandse vèsser zitj langs eine Bels te vèsse. Op ein gegève moment vreugdij de Bels: "zèg, kunde gij mij ene dobber gèven, de mijne is onder gègoan".

Bie de kladde gatj



Op eine zunjigmiddig noa het voetballen in café de Bock, noe cafe Bellekesgeheite, kreeg trucker Jo telefoon. Niks vermoedendj naam Jo de telefoon op. Aan de angere kantj klònk de stum van eine verontrustendje Hollenjer. Hè kondigdje zich aan as menèer van Beunen oet Zaandam. Dè haaj Jo hiel get te vertellen en waal het volgendje, gisteren, z0a vertèldje van Beunen, ben ik op stap gegaan in café de Bachelorclub. Toen ik de nodige pilsjes had gedronken stapte ik op. Nadat ik mijn auto had gestart, heb ik bij het wegrijden uw auto eventjes geraakt in het linker portier. Geschrokken en omdat ik genoeg bier op had, ben ik weggereden. Vanmorgen toen ik opstond, kreeg ik spijt van wat ik had gedaan. Aan de hand van een aantal navragen heb ik uw naam en adres kunnen achterhalen. Ik wil graag de schade vergoeden daarvoor zal ik in de loop van de volgende week bij u langskomen. Op dit veur hum totaal verrasendj verhaal kost trucker Jo allein mer joa en amen knikke. Noa dit telefoongesprek rendje Jo in sneltreinvaart noa boete òm te kieke of dèr werkelijk waal eine deuk in ziene auto zaat. Jo snapdje dèr niks van, wie kòst dè mins toch bewere det dèr eine deuk in ziene auto zaat, terwièl der gein kreske op te zien waas.

Intusse waas ederein al boete kome kieke waat det dêr toch aan de handj waas mêt Jo ziene wagen. Nemes zaag auch mer eine deuk.

Wiedet ze niks kôste vinje rooj eine slumme ônger het cafevolk Jo aan ôm der zelf mer eine groate deuk in te stampe, det kôstj hum toch allein mer centen opleveren. Hoastig gingen ze op zeuk noa ein hel veurwerp.

Op det moment kwaam de echte van Beunen de café binnen en naam plaats aan het buffet.

van Beunen heet in werkelijkheid Jan S.

Samen mêt zien medeplichtige stikdje ze bekans van de lach. Toen Jo det zaag, begreep he drek woa Abraham de mosterd hooldj.

Hê rendje weer noa boete ôm de speurtocht noa bakstein te doen stake. Hê waas al bang det de leefhûbbers al mêt de sloopwerkzaamheden bezig wore, mer det kôst he nog net veurkome.



VAN KAPPEL

-Komendje zomer weurdj in Ell ein noew vereiniging opgerichtj veur moterriejers: de Ingelkes van Ell (in ut ingels Ell's Angels) Opgéve bie Matje of Frank. Oze road: Hoatj wichter en hoonder vanne stroat!.

Aafbreke.

Noa joare van zeivere en oetstelle en deindanger inne hoar zitte zeen ze veurig joar eindelijk aan de noewe zaal begost. Wé hubbe ins noagezocht woéroom det in ins zoé snel ging allemoal. Doabie kwome wé oet bie de volgendje verrassendje gebeurtenissen.



Wie det veurig joar roondj vastenoavendj de planne weer neet door dreigdje te goan is Jan Linders, dé noe in Ittervoort de middenstandj oppe koondj hulptj, noa de gemeindje gestaptj of hê neet op de plaats van de oaje zaal eine supermarkt mocht zette. De winkeleers van Ell kwome det te wete en die hubbe zich onmiddelijk biejeingepaktj. Ein delegatie van Thijs en Harie vanne Bekker, Frans van Foons en Jan van Stien is toen noa de burger gestaptj. Veural Thijs moot doabie hel gespoestj hubbe zoëdet de gemeindje de knoup doorgehakj heet en ut sein heet gegéve oom met aafbréke te beginne. Thijs bedankj joong.

Op slag wúrt met aafbréke begostj. Ederein woeëj helpe.

Sommige broke op, aaf, oet en door, angere en det wore de meiste, stinge goot op te lette en te kieke of waal alles snel genoag ging. De jonger manne wore neet te hoaje: 's oaves en 's nachts inne doonkel droge ze nog heur steinke bie, dék hieél dikke, oom de tispel aaf te bréke.

De gemeindje waas zoë enthousiast euver dees metwiring det de roadslid Govaerts de opdracht heet gegēve oom oet te zeuke weem det allemoal 's nachts zoë hel geholpe haaj met bréke, want ze woeëje die joonges ein Beloeëning géve. Joamer genoag is Jan doa noéts achter konne kome. Mesjien konne die joonges zich noe nog melle..

Vrachtwages, volkswagebuskes, tractors, fietskerre, krukerre, alles wúrt ingesjakeldj oom de zaak weg te kriege waat oeteindelijk auch geluktj is.

Wé vinje det wé ederein dé zoë grandioos geholpe heet met bréke ein groét compliment mote make. Gé hubtj loate zeen det wé allemoal deze noewe zaal verdeentj hubbe.

Loatj oos hope det wé det zoë hoaje.



zeen ze dit soms?





Nog neet zolang geleje wérdje eine vanne Raod gevraagdj om get bie de Mulder te gaan karweijen. De Mulder haaj betreffendje man zelf gevraagdj vanwege zien vakmanschap. Der wérdje hel doorgewirktj en alles leek in kanne en kroeke. Mer toen ooze karwajer einmaal toes, dik onger het stoof nateurlik, waas gekomme ging de telefoon. De Mulder waas aan de angere kantj van de lien. Hé waas ein beetje opgewonje en wou toch gér het volgendje efkes weten, of ut normaal waas wannier det hé de w.c. aaftrók det den de geiser ging borre. Bovendien haaj de Mulder in de douche allein mer kòd water. Ooze beste vrendj versjrok zich toch waal ein beetje en beloofdje det der onmiddellijk zooj komme herstelle. Det wérdje den auch gedoan. Toen waas de vroag: bie weem likt de sjout? In eeder geval de Mulder gaaf ooze karweier en tevens roadslid de sjout, terwiel dé op zien beurt het Lima-gaas de sjout gaaf.

Te koup weges euvercompleet en oomdet ut neet leuk mieër is:

33 messe, 28 versjéttje, 31 lepels, 10 tasse, 12 teijers, en verder nog ettelijke zoatvéétjes, peperböskes, sokerpút, melkkenkes en nog zoën hoogerd koffielepelkes.

•kunj doa veulj meik van gëve.

Te koun gevraagd; eunje, omdat de



Ich bèn
eine
bachelor

ich neet



TJEU
EN
MIEN

Eine oavendj hiëring, mer doa noa geine miër!

In Ell wùrdj hiël get gewèdj, wisdjer det auch? Het is zelfs zoë, det òm de gekste dingen wùrdj gewedj. Woar gebeurdj is dit verhoal van de euvermoedige kastelein en eine standvastige klantj.

Op eine woonsigòvendj noa de nùdige beerkes daagdje Paul, de kastelein, Theike oet om binne ein kwarter tiën glaze beer oet te drinke, hë köst as det hum lùkdje ein hiël vaat beer winnen. Theike ging akkoord op ein veurwaarde det Paul tiën hiëringen probeerdje te slikken binne eine tied van ein half oor.

Het spektakel köst beginne en haaj inmiddels hiël get volk getrokke. As iërste begòn Theike aan zien verplicht nummer.

Hë redje het, binne de tied haaj hë zien tiën glaze beer leeg. Mer doa noa waal snel de w.c. op. Noa det Theike zien glaze beer weer de vrieheid haaj gegeve, kon het spektakel pas echt beginne.

Het hiël volk haaj zich intusse allemoal røndj het buffet verzameldj om te kieke wie det Paul det toch waal ging doan.


De iërste vijf hiëringen verdwenen zønger al te veul drang in ziene møndj.

Mer doa noa haaj Paul toch het leefst gestaaktj, mer het volk sprook hum noewe moot in, en ònger aanmoediging van Theike verdween nummer zes auch.

Det de hiëringen tamelik zoor werdje waas aaf te lèze van zien gezicht.

Theike dè intusse de euverwinning in zicht zaag kòme, kòst zie plezeer neet op en dwòng Paul euver te goan op nummer zeven. Met tegenzin deej Paul eine hap in de hiëring, trok hum weer trùk en spreek hum toe mèt de bemoedigendje weurd, "jòng, doe zùlts der in mòtte" mer sònger succes, want de stugheid van de zevendje hiëring is sterker as de verdraagzaamheid van Paul ziene maag. Onger groate verslagenheid staakdje hè zien poging en accepteedje zien verlees. Het enige waat hè nog te zègge haaj waas, det op vriedig doa noa, veur allemoal die dè oavendj aanwezig wore gewèestj ein vaat waas. Dè vriedig kwaam auch ederein zoë as aafgesproke waas. Om heur dankbaarheid te tòne veur het spektakel van de woonsdigoavendj haaj ederein eine kado veur Paul mèt gebrachtj. Toen hè echter zaag waat die kadootjes in helen, vluchtje hè mèt eine noëdgank noa achter. Ein rie van tiën groate pùt euverheerlikke hollandse hiëring waas te veul veur hum.

-Zeunjig noa noejaar gehuërtj van eine plisieman:
"Waas dé Jo vanne Koalder mer trùk oet Libanon, den haaje wé neet zoëveul werk met die joong van Ell".



De bêste waakhoondj van Ell

Vreuger op aafgelêge boorderieje waas ut de gewuëndje eine waakhoondj te haoje. Tegenwoordig meine veul minse dêr eine te motte hubbe, auch as desse midden in't tûrp woeënst. Zoe eine hoondj is veur te wake, veural snachts. Ut bêste kan dêr der zoe lielik meugelik oet-zeen, groeët, roew, doonkel, valse uig en flinke tenj. Aster daobie gêr haptj nao ein vleeg of nao eine minsevinger, dan is det mêt-genome, mer dêt hoeftj neet.

Soaves en euverdaag maag hê sloape, snachts mot hê wake. Blaffe maag têr neet want doa zoeëje de minse in ut durp wakker van konne wêre. Det zeen op vandaag de bêste waakhunj. De minse die zoëne hoondj hubbe strôffe auch altiët tegenein det die hunj zoë good zeen. Doa hoeftj nemes binne te kome of hê hingtj aanne books. Mer det is opsjûppe, want det hoeftj eine gooie waakhoondj neet te doon. Hê maag waal boete de minse pakke; auch aster doobie door de roëte môt vlege.

Ut leek waal aafgesproke werk, mer toevallig zeen in ut aafgeloupe joar op tweeë plaatse kandidaat hunj gevonje die veur de oongersjeijing "bêste waakhoondj van Ell" in aanmerking kome.




Nog toevallig waas det auch bie twee cafe's. Ut sjiendj det det gooj baze zeen.

Wie det op eine nachtelijke kroegtocht inbrêkers binnekome, waas goot te zeen det op allebie de plaatsen gooi waakhunj wore, ze ginge belêeftj de keuken in en lete de inbrêkers heure gank goan. Inkele moandje later de tweeëdje proof. Dikke Pier waas weer ins smörgens vreug goandje oom ein oor of zes zeven. Pier is altiët vreug derbie gewêestj, det wete die oajere goot oomdet die den auch opstoan. De joonger minse zeen den net neet mieër op. Bie ein café probeerdje Pier binne te kome, mer doa begôste de hunj op slaag wie de dulle te blaffe zoe dêt die onmiddelijk geschorjs koste wêre. Op die anger plaats ging ut bêter. Doa kwaam oze Pier sjoëen binne zoonger det de hoondj aansloog. Waat hêtj, dê hoondj verdeendje zich nog puntje, bie wie det hê rûstig oonger de stoel van de vreuge bezeuker ging zitte, toen dê ein kretje beer leeg zoat te make. Zoë vonj de kastelein oom ein oor of nege ziene klantj mêt ziene machtige waakhoondj gemoedelijk same oonger de taofel. De hoondj waaktj echt euver de minse. Bravo! Det is veur oos ein reje oom Parco oet te rope toet de bêste waakhoondj van ELL. De oongersjeijing zal hum met vasteoavendj oomgehangen wêre door Wim Kessels. De groëtste hoondjeleefhubber van ELL. Wê feliciteren de eigeniër mêt dit sukses.



Te koup; zò'n vieftig
ope haarden, as det hê ein
stoof zêtj wil ich
dêr auch ein.



Bèn ich eine gooje vasteloavendj veerder?

Hienoa volgen ein aantal kinmèrke van eine
gooje vasteloavendj veerder.

Aan de handj hie van kintj gè bepoale of gè
der zelf auch eine zeetj.

Beantjwoordj eder vrog mèt joa of nèè, hub
gè dèt gedoan den zulle we ins kieke of gè
eine gooje vasteloavendj veerder zeetj of neet.

- 1 - geit eur hert sneller sloan noa moate vas-
teloavendj naderdj?
- 2 - Bezeuktj gè de bontjeoavendj, het Prinse-
bal en de Prinsereceptie?
as gè minstens ein van dees activiteite
bezeuktj moogdjer de vrog mèt joa
beantjwoorde.
- 3 - Doodj gè actief mèt aan de optocht?
- 4 - As het vasteloavendj is, springtj gè den
allein op Limburgse vasteloavendjmuziek?
- 5 - goatj gè met vasteloavendj miër den
drie daag op stap?
- 6 - Zeukdjer eur bèd pas op, as de kasteleïn
uch mèt hel henj wiët euver sloetingstied
oppe stroat zetj?
- 7 - zeetj gè der s'murgens weer as de kippe,
bie, auch as de kater nog erg groat is?
- 8 - zeetj gè neet bang òm ein rundje te gève?

9 - auch al steit veur uch op buffet ein pil-
iton beer, loatj gè der den geine kepot
goan?

10- loesterdj gè aandachtig as de Prins of
vorst het woord veurdj?

Wie hubdjer dees tiën vroage beantwoordj?


9-10 x joa: gè zeetj as vasteloavendjveerder
neet te euvvertreffe, gè zùltj veur
veul ein veurbeeldj zeen, van wie
det het noe echt môt.

7-8 x joa: vasteloavendj vere kintj gè, mer
as gè dèr zaat op hubdj is veur
uch de tied aangebroke òm het
fiëstgewoel te verloate.


4-6 x joa: gè hubdj de indruk det gè eine
gooje veerder zeetj, niks is min-
der woar.

1-3 x joa: gè zeetj zoë emes, dè met vaste-
loavendj het leefs op vakantie geit-
mer toch èvegood effekes het fiëst-
gewoel in wiltj duike om te kiëke
wie eure buurman zich gedreugdj.

0-x x joa: gè hubj van vasteloavendj veere
geine kiës gète en gè zultj het
auch neet liëre. Het bèste is as
gè mèt die daag op vakantie goatj
of as gè aan thoes bliëfdj, de
deure en rame toe, gerdjene toe
en de blinje aaf loatj.





DE
TELMEER-
MAN



Veul honger, geine tied
of gein zin, Mc. Alben is
neet wiet, he goeit
et der waal in.

I AM THE CHAMPION



Programma veur de eupening van de noewe zaal.

De meiste minse wete het nog neet, mer sinds veurig joar zomer zeen inkel luuj ein programma inein aan ut zette veur de eupening van de noewe zaal. Wé wete neet precies weem mer Tjeu van Nies moot doobie zeen.

Nog neet alles steit vast mer inkel puntje konne wé euch al loate wete.

Oomdet neet mieër good noa te goan is welke burgemeister ut meiste der veur gedoan heet zulle ze allebei genuëgj wére. Auch de leste twee veurzitters vanna fanfaar zulle doa zeen. Mesjien detter nog eine hoëge oeëme bie gevroagd zal wére wie Stals van Swartbroek of Kremers van Mestreech, mer ut comité waas van meining det doa met genoeg oajere doa wore. De eupening zelf zal gebeure door wichter oomdet die, normaal gesproke, ut meiste met de zaal te doon kriege. Dé ut joongste is, maag eupene. Veurig joar al hubbe doa minse hel aan gedacht en trouwes neet allein gedachtj. Veur soaves steit ut volgendje op ut program: disco.

Aster neet noa Nejewiërt hoeftj te goan dreije zal D.J. Theo van acht toet ein veur de muziek zurge.




Aansloetendj weurdj ut euvergenome door Berbe-discosound van ein toet zes. Presentatie: met de vingers aan de knup: Pierre. Doanoa wanjele oonger leiding van Tjeu van Huiskes met aafsloetendj: zwumme in de vierer.

s'Middes veur de bejaarde: Revue met het bekindje duet Meerte Marieke en Vosse Wullem met muziek van Metsel Jantje. Saoves weer concert: rock. Met de Eller Joonger Bér van Dirke en Tjèèn. De productie is in henj van de groëtste specialist en kinner op dit gebied: Siem van de Koalder. Dit concert zal auch door de Eller zender rechtstreeks wére oetgezoonje euver de wérel dj. Mesjien det Piet van Govaerts ut nog kan huëre.

Dé den nog neet aan zien trekke is gekome kan s'nachts goan kieke noa ein poging van Koos van Helma oom ut wereldjrecord glaze wasse te verbétere. Hé weurdj geholpe door Theike en Twan die zulle zurge det de glaze leeg zeen. Dit waas nog mer ein klein gedeilje van ut festivalprogramma. De rest weurdj in anger blaajer bekindj gemaaktj. Bie veurbaat wille wé de initiatiefneumers bedanke en auch felicitere det ze dus beroemdje minse al hubbe konne contractere. Ut kan neet mieër kapot.


-Met veul meute is veurig joar eine machtsgreep bie de Roojer vasteloavendj door zoën 25 soldoate net neet doorgange.



KWIEK



VERS
VANNE
BEKKER



Wisdjer al det:

- De sloop van de oaje zaal veurig joar iërder begonne is as det ze haaje geplendj.
- Det Mies zich met de kirmis al verklédj haaj.
- Det Roadsleeje van boete Ell zich drük kinne make euver de namen van de noew straote in Ell.
- Det Prins Jan III onlangs as veurzitter van de voetbalclub is gekoze.
- Det ze bie Pierre van Berbe good kinst fieëste, tot 's meurges vreug songer det doa eemen last van heet.
- Der in Ell mooders zeen die vroage asse seunjessmeurges toes kums van Bels, of det ze al op bêst veur noa de vreugmes te goan.
- Det het auch dit joar in de wintjer koajer waas as in de zomer.
- Det de Tennisclub binnekort alweer heur iërste belke kan sloan.

Wisjer al det:

- det Hub van Lute altiet alles oppe tiet kloar heet stoan, mer det ter den zelf waal dek te laat is.
- det de Prins oppe receptie mèt gelieëndje oogersjeijinge roondj leep.
- det Theu vanne Slechter zenuwechtig zien belastingaansleeg ope meuktj.
- det deze zomer de heitste daag is gewééstj 40 grade: 20 veur en 20 noa de middig.
- De bove en oongerlake hubbe de leste veul te lieje s'nachts.
- As nog oëts eine wielerronde weurdj gehoaje wére allein mer gooj klummers gevroagdj



PROKLAMATIE

1952.



Al bun ich neet in Ell gebore
En in dit dörp neet opgevoodj
Toch kan 't plaetske mich bekore
Omdet de minse zeen hie good
Now is mich de eer te beurt gevalle
Om te regeren in dit landj
Es Prins van gekke en van malle
Met Palme Lei as 'adjedant
We vere dit jaor vastelaovundj
En zoe wie det zich geheurdj
En beginne daomet Zondigaovendj
Dan weurdj van alles opgeveurdj
Ich wins uch allemaol veul plezeer
In deze Vastelaovendj
En drinktj mer mennig glaiske beer
En haadj det vol tot aovundj
Eine raad mot ich uch nog gaive
Haadj uch met die daag good braaf
Want anges vestj ge wiet ternaive
En is de lol der gauw van aaf
Dus we hope det alles geit nao wins
Ich dank uch al bie veurbaat



Eure Prins HARRY I van de Moerebuuk.

In ut zweit gerendj



Asdjer het nog neet wistj, de verzúrger van het iërste elftal van de voetbalclub is eine man dé het neet zoa nauw numtj met de tied. Det te laat komme is hum in de zomer op eine gooje daag erg tegen gevalle. Het waas de léste competitiewedstried veur het iërste en ter aafsloeting van ein redelik verloupen seizoen waas het de bedoeling om s'meures al bie ein te kome om den gezamelik te goan eten.

Noa het eten werdje den eine wanjeltocht gemaaktj door oos Moeërelandj om de spieren al get los te maken.

Toen de spulers de tocht beeindigd haaje, gingen ze noa het voetbalveldj om zich alvast om te kleije, de wedstried zoj euver ein oor beginne.

De verzurjer, deze kier hiel laat arriveerdje auch aan het voetbalveldj.

Eine slumme supporter haaj in de gate det he gein flauw iedé haaj van wou de spulers en trainer gebleve wore.

Toen de verzurjer aan Sjeng vroag woa de joonges hér wore, antwoordje Sjeng det ter ze noa Búskes bos haaj zeen loupe.

De verzurjer neet in de gate hubbe det de spulers allang in het kleidlokaal wore, rendje as eine haas richting Búskes bos.

Noa ein klein half oor kwaam he trúk, flink bezweitj, ziene kop haaj de kleur van het bovenste licht van een verkierslicht. Hijgend en nauweliks oet zien weurd komendj, vreugdje he zich aaf woa de spulers in hemelsnaam gebleve wore.

He haaj ze op det stúk weeg toch tége mote kome, bovendien begos de wedstried euver ein half oor, he snapdje der niks van. Gelukkig det Sjeng ein klein bietje compassie met hum kreeg, want anges haaj he zich weer omgedreidj om in eine sneltreinvaart op zúk te goan noa de verdwenen spulers.

Sjeng rooj hum aan om de speurtocht mer te stake, de spulers en trainer van het iërste zoate al miër dan ein half oor in het kleidlokaal.

Gelukkig haaj de verzurjer gein inkel reeje om razendj te were, anges waas he det zeker gewore, den haaj der mer op tied mote zeen.

Jo is twintjig jaar oad en deentje in Libanon. Hê sjreef zien moeder eine brief;

"Moeder, daag en nacht zeen de Arabieren mêt Israëliërs aan ut vechten".

Twie daag later oontving Jo ein telegram trúk van zien moeder woe in steit;

"Doot dien moeder ein plezeer en meut dich der neet mêt".

Wie kumtj die noë stroat toch eigelik te heitte?

Kunnestroat? Kunneveldj? Kunnekoel? as det zoë Kunne? Kunnelandj? Kunneweeg? Kunne die het waal? Kunnestad? Kunnedurp? Kunnegaat? Kunneven?

Mer doa hove wê oss gelûkkig neet drûk òm te make, det doan die van boete ELL waal.

FLUITJE



Wisdjer al det:

-det we het nog neet meuch zeen oom euver de noewe zaal te sjrieve.

-det de zaal er van boete good oet zuut waatse neet van edere mins kins zegge.

-det ut doorhoaje dit joar weer meuch gezichte heet opgeleverdj.

-det ze kins probere oom van Josje eine Elder te make. Det det lang geit doeëre sorry dore.

-det de inbrékere neet mieër zeen waat ut gewééstj is. Want det ze bie Theu van de Slechter hoongerde gûljes aan kleingeldj lete stoon.

-det ter gein sjoëëner vermaak is as leidvermaak: kooztj gêr der auch achter?

KLEINTJE



EINE KLITER



DEPKE



GROATE



-Det dit joar weer veul minse het mis haaje met het roaje van de noewe prins.

-De beugelclub in de gezet bêst waal niesse kan.

-Der in Ell miër verkiërsdrepels zeen as stroate.



-Det veul Eller luuj het neet fijn voonje wiedet ze in de gezet loàze det de Riekswacht in bels alls casino's haaj ontruumdj.

-Der onlangs eine Bels is gestorve. He haaj zien elektriske deke op min 20 stoon.

-Det eine middig schaatse zodanig kan oetloupe, det ze s'meurges eine flinke kater hubst, en det Theu van de slechter doa door ziene hiele veurroad l'isang-Ambon kwiet waas.

-Wim van bekkersjeng zich noa de broeloft bie Jos nog eine zwarte boks ging make: "det is get anges as koffie he Wim"

-Det het edere daag ein verrassing blijft waat det ze te eten kriegs as det de etiketten van de blikken aaf zeen.